

## Фикр дурдоналари (36-қисм)



18:47 / 11.05.2017 4121

**181.** Шайх Муҳаммад Мутаваллий Шаъровий раҳимаҳуллоҳ: “Ҳеч қачон ҳақ билан ҳақ ўртасидаги курашни топмайсан (кўрмайсан). Чунки, ҳақ биттадир. Ҳақ билан ботил ўртасидаги кураш эса, узоққа чўзилмайди. Чунки, ботил доимо йўқ бўлувчи, ўткинчидир” дедилар.

**182.** Тўрт киши билан қўпол муомалада бўлманг:

1. Аёл киши билан.
2. Гўдак билан.
3. Ходим билан.
4. Олдингизга узр сўраб келган киши билан.

**183.** Учта муфлислар (ўзига ҳеч нарса тегмай, ҳеч вақосиз қолганлар):

1. Ов ити. Ўлжа ортидан тилини осилтириб, ҳансираб югуради-да, тутган овини бошқа кишига олиб бориб беради.
2. Бахил. Мол тўплайди ва молини ўзидан бошқа кишига (меросхўрларига) қолдиради.

3. Ғийбатчи. Одамларни ғийбат қилади ва ҳасанотларини бошқа кишига ўтказади.

**184.** Ҳеч ким мени хўрлагани йўқ. Уларни вафодор деб умид қилиб, ўзимни ўзим хўрладим.

**185.** Бу замонда ҳамма нарса, ҳатто баъзи қариндошлар ҳам ўзгаряпти. Баъзи қариндошлар шундай бўлгач, дўстларга таъна қилмаймиз.

*Қуйидаги маълумотлар фейсбукдаги “Роваиъул фикр” (Фикр дурдоналари), “Ховатир роқия” (Салмоқли фикрлар) каби саҳифалардан олинган.*

**Нозимжон Ҳошимжон таржимаси**